



## Universitätsbibliothek Paderborn

### **Qvæstiones Morales Selectiores De Lege Interna Et Externa**

discussæ, ac Resolutæ, & in duos Libros divisæ, In quibus, propositis casibus, prima quædam principia, ad plurimas alias Quæstiones similes resolvendas perutilia, subinde examinantur

De Lege Externa

**Beati, Gabriele**

**Augustæ Vindelicorum, 1729**

**VD18 80376800**

52 An priuilegium stricte sit interprætandum.

**urn:nbn:de:hbz:466:1-39888**

vsi ita receptum est, vt testatur *Sanchez disp. 27. n. 34.* & in hoc conueniunt etiam Auctores initio relati, qui propter ea sibi cohædere non videntur, dum Vicerario Capitulari hoc negant; hinc enim desumitur valida præsumptio contra sti-  
lum Curiæ, quam ipsi afferunt.

**17** Tertiò; Si Episcopus duos habeat Of-  
ficiales, quorum unus sit principalior; per hunc, & non per alium, huiusmo-  
di commissiones, & dispensationes esse ex-  
pediendas; Tum quia in *Clem. 2. de rescri-  
ptis*; Officialis Episcopi principalis dicitur  
capax istius delegationis. Tum quia hic so-  
lus, in rescriptis Pontificijs, nomine Officialis  
Diœcesani, intelligitur; Cum nomen  
dignitatis, absolutè prolatum, accipiatur  
communiter pro principali. Si verò uterque  
sit æquè principalis, & neuter in re-  
scripto designetur, tunc quiuis eligi po-  
terit, cum quilibet æqualem habeat au-  
toritatem, nec ulli fiat iniuria, *Gutie-  
rez num. 14.*

**18** Quartò; Huiusmodi delegationes ex-  
pediri non posse ab eo, qui ab Episco-

po ad commissiones solùm Pontificias  
expediendas specialiter eligeretur. Quia  
hic non esset Vicarius, nec ordinariam  
Vicarij iurisdictionem haberet, quod  
tamen requiritur, vt harum delegatio-  
num sit capax. *Sanchez num. 42.*

Quintò; Commissiones factas Vica-  
rio, expediri nullatenus posse ab Episco-  
po, etiam si ipsem Vicarius, in Epi-  
scopum assumatur; quia dignitas Vicarij,  
ab Episcopi dignitate, est omnino diuer-  
sa, vt patet *ex cap. Venerabilibus; de sent.  
excomm. in 6.* Et quamvis Episcopi, ac  
Vicarij Tribunal idem sit in ijs, quæ sunt  
de iure ordinario, non est tamen idem  
in ijs, quæ specialiter committuntur;  
In his enim, Vicarius ab Episcopo non  
pendet, sed à Pontifice. Atque hinc  
est etiam Capitulum sede vacante, dis-  
pensationes Episcopi Vicario commissas,  
expeditæ non posse, eius verò Vicarium  
posse; quia scilicet, Capitulum succe-  
dit Episcopo, non Vicario. *Sanchez n. 30.  
Gutierrez de matr. cap. 125. num. 11.*

## QVÆSTIO LII.

*An Priuilegium strictè sit interpretandum.*

C A S V S.

**T**ITIVS, cùm esset illegitimus, & ad Sacros Ordines promoueri  
cuperet, dispensationem petijt, & obtinuit ad Ordines suscipien-  
dos. Quatuor autem minoribus susceptis, dubitare cœpit, an  
suscipere posset etiam maiores. Quæritur; Vtrum, ex vi obtentæ dil-  
penstationis, ad eos promoueri possit.

SYM.



## SUMMARIUM.

- 2 Dispensatus ad Ordines, videtur promoueri posse etiam ad Sacros.
- 3 Hæc dispensatio, est Principis beneficium.
- 4 Concessio indefinita, æquipollet vniuersali.
- 5 Presumitur amplè concessa.
- 6 Priuilegium, aliud est fauorabile, aliud odiosum.
- 7 Est explicandum solum, cum eius verba sunt obscura.
- 8 Dispensatus ad Ordines, ad Sacros promoueri non potest.
- 9 Est priuilegium odiosum.
- 10 Est iuri communi contrarium.
- 11 Ideoque restringendum.
- 12 Et si sit indefinitum, non æquipollet vniuersali.
- 13 Neque eius concessio, est ampla.
- 14 Dispensatus ab oneribus, intelligendus est ab extraordnarijs.
- 15 Priuilegium concessum ad beneficia, intelligitur ad simplicia.
- 16 Priuilegium ad lites, est restringendum.
- 17 Si tamen redundet in fauorem Religionis, est ampliandum.
- 18 Priuilegium in iure communi contentum, latè est interpretandum.
- 19 Sicut etiam, motu proprio concessum.
- 20 Derogans verò iuri alterius, est restringendum.

## RATIONES DVBITANDI.

- 2 **Q**uemadmodum non omnes leges eodem modo sunt interpretandæ;
- R. P. Beati Lib. II.

ita nec omnia priuilegia. Quæritur igitur, latè ne, an strictè sit explicandum priuilegium. Videtur enim latè esse interpretandum; ideoque Titium dispensatum ad Ordines; ex vi talis dispensationis, promoueri posse etiam ad Sacros. Ita Rodriguez tom. I. quæst. 11. ar. 6. Henrig. de indulg. lib. 7. cap. 22. num. 3. & cap. 24. num. 4. Couaru. decr. 4. par. 2. cap. 8. §. 8. Salas disp. 20. nu. 90. Azor. lib. 5. cap. 23. quæst. 2. Suarez disp. 41. de cens. secl. 3. num. 30.

Primo; Quia priuilegium Ordines suscipiendi, est Principis beneficium; ergo ad omnes extendendum videtur, ita ut comprehendat etiam maiores; Principis enim gratia, & beneficium latè est explicandum; cap. Olim; de verborum significatione, & L. benef. de conf. Principum.

Secundo; Quia in materia priuilegiorum, concessio indefinita, æquipollet vniuersali; Cum enim non sit maior ratio concedendi potius aliqua, quam omnia, censetur vniuersaliter concedere omnia, vt docet Suarez loc. cit. Sed priuilegium concessum est Titio, ad suscipiendos Ordines indefinitè. Ergo æquivalet priuilegio concessio ad omnes Ordines suscipiendos; Sicut ergo, ex vi huius, Titius ad Sacros Ordines promoueri posset, ita promoueri poterit ex vi illius.

Tertio; Quia Princeps, eo ipso, quod beneficium concedit, & suam mentem clare non explicat, præsumitur amplè concedere; Tum quia hoc est eius liberalitati conforme. Tum quia, si beneficium limitare vellet, apponaret limitatio-



tionem; Dum ergo non apponit, signum est, ipsum ample, & sine limitatione, beneficium concedere. Sed, dum Titio priuilegiam conceditur ad Ordines suscipiendos; nulla apponitur limitatio. Ergo rationabiliter præsumitur, ample concedi, & consequenter ad omnes etiam maiores.

## NOTABILIA.

**6** Aduertendum est primò; Duplex dari priuilegium; Aliud derogans iuri communi, vel alicuius Tertij, vt est exemptio à lege ieunij, vel à solutione decimarum; & hoc odiosum est, quia legis, vel alicuius Tertij documentum continet, & grauamen; Aliud nemini nocens, vt facultas confessiones audiendi, vel lucrandi Indulgentias; & hoc fauorabile est, quia gratiam, & fauorem, sine ullo documento, ac grauamine continet. Quod si priuilegium unius faueat, & alteri noceat, vt est exemptio à decimarum solutione, est mixtum ex odio, ac fauore, ita vt à causa, ob quam conceditur, colligi possit, an absolute sit fauorabile, an odiosum; Si enim causa, bono communi, aut Religioni faueat, censetur absolute fauorable; Si vero causa sit, solum bonum priuatum Priviligiarij, censetur absolute odiosum, quia damnum commune preponderat bono particulati.

**7** Aduertendum est secundò; Priuilegium, tunc solum esse explicandum, cum eius verba sunt obfusa, nec constat de mente Concedentis. Nam, quando de hac constat, tunc illi standum omnino est, cum priuilegium, totam suam vim

habeat à mente Concedentis. Cum vero de hac dubitatur, tunc ad coniecturas recurrendum est; vt ad supplicationem, cum precibus in illa contentis Princeps accommodare se soleat. L. Si preees. ff. de legib. & cap. Inter dilectos, §. Ceteri de fide instrum. ad rem quæ conceditur, & ad subiectam materiam; ad aliud simile priuilegium; vel ad iudicium prudenterum pro loco, & tempore; quando periculum est in mora, nec patet aditus ad Principem, nec eius animus aliunde colligi potest, aut inueniri. His positis,

## RESOLVTIO.

**R**Espondetur; Titium, ex vi dispensationis obtenta, ad Sacros Ordines promoueri non posse. Silvester cap. Clericus, 1. quest. 4. & v. Priuilegium qu. 3. Salas disp. 17. sect. 8. n. 49. Azor. lib. 5. cap. 23. quest. 2. Suar. lib. 8. de legibus cap. 28. num. 16. Sanchez. lib. 8. matr. disp. 1. num. 26. Bonac. disp. 1. qu. 3. pun. 7. §. 1. num. 10. Navarrus cap. 12. nu. 9. & alij apud istos.

Primò; Quia, Dispensatio à Titio obtenta, cum sit iuris communis derogativa, eumque eximat à lege irregularitatis, est priuilegium odiosum. Hoc autem, quantum fieri potest, est restriendum; ita enim habetur; cap. Sanè; de priuilegijs, & in regulis iuris, odia restringi, fauores conuenit ampliari.

Secundò, Quia Princeps, cum sit iuris communis auditor, & defensor, illud per suum priuilegium, quam minimè fieri possit, laddere velle censetur, ideoque illi

illi derogare, solum quatenus expressè, per verba declarat, & non amplius. *L. Quod ausus. ff. de emancip. liberorum.* Et consequenter illud quantum fieri potest restringi. Sed priuilegium Ordines suscipiendi, obtentum à Titio, est iuri communi contrarium, eius enim dispensationem, ac derogationem continet. Ergo Pontifex censetur, per illud voluisse, quam minimè potuit, ius commune vulnerare, ideoque illud, quantum fieri potest, restringi, sicque intelligi concessum solum quoad Ordines minores. Si tamen Titius minores Ordines habuisset, dum priuilegium obtinuit, tunc, ne priuilegium esset frustraneum ac inutile, sed aliquem haberet effectum ad maiores ordines esset extendendum, &, si Pontifex illum absolute dispensasset in irregularitate, tunc omne vinculum abstulisset, ac proinde ad omnes Ordines, ac beneficia habilem reddidisset. Tum quia, verba absolute prolatæ absolute sunt intelligenda. Tum quia non esset maior ratio, cur priuilegium, advnum potius, quam ad alium effectum extenderetur.

### OBIECTIONUM SOLVTIO.

**11** **A**d rationes autem in contrarium adductas, facilis est responsio. Ad primam: Priuilegium Ordines suscipiendi, esse quidem Principis beneficium, sed iuri communi contrarium, illudque lädens, & consequenter odiosum, priuilegium autem odiosum, quantum fieri potest, est restringendum.

**12** Ad secundam, Priuilegium indefinitum, æquipollere vniuersali, in priuilegijs favorabilibus, non verò in odiosis: Quia Principis intentio est, ius commune per suum priuilegium, quam minimè potest, vulnerare. Priuilegium, autem à Titio obtentum, est odiosum, cum sit iuris communis derogatum.

legijs favorabilibus, non verò in odiosis: Quia Principis intentio est, ius commune per suum priuilegium, quam minimè potest, vulnerare. Priuilegium, autem à Titio obtentum, est odiosum, cum sit iuris communis derogatum.

Ad tertiam similiter, Principis mentem esse, vt ampla sit concessio in priuilegijs favorabilibus, cum nemini noceant, non verò in derogatiis iuris communis, quale est obtentum à Titio, cum illud laedant ac vulnerent.

### COROLLARIA.

**C**olligitur ex dictis primò: Dispensandum ab oneribus, intelligendum esse de oneribus extraordinarijs, non ordinarijs, quia est priuilegium, quod secum trahit dispensationem in iure communi; Hoc autem, strictè est interpretandum, vt minus, quam fieri possit, ius commune laedatur. *c. Cum dilectus. de consuet.* Idemque dicendum est, etiam de statuto, vel consuetudine speciali alicuius loci, quia huiusmodi statutum, & consuetudo, est instar iuris communis, quod iuri priuilegij specialis præferendum est. *Silvester v. Priuilegium quæst. 9. Suarez. lib. 8. cap. 28. num. 16.*

Secundò; Priuilegium concessum Irregulari ad beneficia, censi concessum solum ad beneficia simplicia, non verò ad curata, vel dignitates, quia, cum sit priuilegium odiosum, ac iuris communis dispensationem continens, quantum fieri potest, est restringendum; talis enim rationabiliter præsumitur esse

I i 2

volun-

voluntas Concedentis. *Azor, lib. 5. cap. 23. quæst. 2.*

**16** Tertio; Priuilegium ad lites concessum, quantum fieri potest, esse restringendum, quia Priuilegiorio occasionem litigandi, & alios vexandi præbet. Similiter priuilegium Episcopo pro suis familiaribus concessum, ut conceditur *in Trid.* intelligi debere de familiaribus, qui actu famulantur, non verò de illis, qui per literas ad famulatum recepti sunt; quia hi propriè & in rigore, non sunt famuli, sed ad famulatum electi; Priuilegium autem, cum iuris communis dispensationem continet, strictè est interpretandum. *S. las disp. 17. scđ. 8. num. 49. & 51.*

**17** Quartò; Priuilegium, quamvis de-roget iuri communi, esse tamen ampliandum, si redundet in favorem causæ piæ, aut Religionis; quia ius Religionis prævalet omni iuri, & censetur sumnum ius. *L. sunt personæ: ff. de Religiosis, & sumptibus funerum.* Propterea priuilegium Militibus, Religiosis, ac alijs similibus Communitatibus concessum ampliandum est, quia Reipublicæ, Religioni, ac bono communi maximè expedit, huiusmodi Communitatibus facuere; & hoc præponderat lœsioni, quæ iuri communi, per eius derogationem infertur, *Sanchez lib. 8. disp. 1. n. 13.*

**18** Quinto; Priuilegia, quæ in iure communi continentur; Ut priuilegium, quo Clerici à potestate laicæ eximantur, esse amplianda, ac latè interpretanda; quoniam vim legis habere censentur; nec absolute sunt iuri contraria, sed potius conformia, cum constituent ius com-

mune. Idemque dicendum est, de dispensationibus, quæ in corpore iuris continentur, sive, quæ per leges, aut Canones conceduntur; Hæ enim, sunt quasi leges. Denique idem dicendum videtur de privilegiis, quæ toti alicui Religioni, vel Communitati, in perpetuum conceduntur; quia hæc etiam, vim habent legis, ac si essent in iure expressa, cum sint constitutiones perpetuae, & Communitati, quæ perpetua est, concessæ, *S. las d. 20. e. 10. n. 90.*

Sexto; Priuilegia, motu proprio *19* concessa, quamvis sint contra ius commune, esse amplianda, vt colligitur *ex cap. Si motu proprio: de præb. in 6.* Quia Priuilegia sic concessa, censentur proprium beneficium Principis, cuius honor, ac liberalitas latam interpretationem exigere videtur. *Suarez lib. 8. cap. 27. num. 8.*

Septimo; Priuilegium iuri alterius *20* derogans, esse restringendum, quantum verborum proprietas patitur; Quia Princeps non præsumit velle alteri præiudicium afferre, nisi exprimat. *L. nec auus; cap. De emancip. liberorum.* Ino Princeps, ius alteri iam quæsitum, sine graui, ac manifesta causâ, auferre non potest, etiam si priuilegium, motu proprio concedat; quia neminem sine causâ rebus suis spoliare potest. Vnde priuilegium ad plura beneficia obtainenda, & ad beneficia vacanta conferenda, strictè est interpretandum, quia cedit in præiudicium Tertiij, & Ordinarij, ad quem prouisio, de iure ordinario, competit *Sanct. lib. 9. disp. 2. num. 3.*

QVAE-